

**TEKANYETSOKABO KE ENG?**

Ka kgwedi ya Tlhakole mongwe le mongwe Letona la Matlotlo le rebola Tekanyetsokabo ya setšhaba mo a begang lenaneo la puso la go dirisa madi, matlole le kadimo mo dingwangeng tse tharo tse di latelang. Tekanyetsokabo e tshalosa mokgwa o madi a puso e a boneng a tšileng go arogangwa ka teng mo mafapheng a bosetšhaba, diporofinsi le dipusoselegae.

# TEKANYETSO-KABO E LEBELETSE GO GODISA EKONOMI



**T**ekanyetsokabo ya ngwaga wa 2014 e lebeletse go rebolola maano a go bona ditsela tse mmuso o ka godisang ekonomi ka yona.

Maikaelelo magolo a mmuso, jaaka go rebolotswe ka lekwalo la National Development Plan (NDP), ke go godisa ekonomi ka diperesente di le 5 go ya go tse 6 ka ngwaga. Kgolo e e kwa godimo ya ekonomi e tšile go oketsa letseno la lekgetho le go neela mmuso matla a go oketsa madi ao e a dirisang go tokafatsa matshelo a batho, ka go mekamekana le go lwantsha botlhokatiro, bohuma le ntwaga kगतलhanong le go se leka-lekane.

Ekonomi ya naga e gotse ka diperesente tse kana ka 1.8 mo ngwaga wa 2013. Maemo a selegae, ga a tthankantswa le tsosoloso e e bonya ya ekonomi ya lefatshe lotlhe, e dirile gore ditiriso le tlhologo ya ditiro di gole ka bonya. Ekonomi e solofetswe gore e gole ka diperesente di le 2.7 mo ngwageng wa 2014 le go fitlhelela kgolo ya diperesente di le 3.5 ka ngwaga wa 2016.

Go na le mekgwa e e mmalwa e e ka

thusang ka go tšhabolola kgolo ya ekonomi. Peeletso ya babeletsu ba dikgwebo tsa setšhaba mo meagong – e e solofetsweng go nna dibilione

di le R847.3 mo dingwageng tse 3 tse di tlang – e tla fokotsa dikgwetlo tsa go bona motlakase le dipalangwa tsa botlhe le go ngoka dikgwebo

tse e seng tsa mmuso go beeletsa mo mananeong ao. Tlhologo ya ditiro yone e tla thusa ka go godisa leruo la naga. Go tokafala ga maemo a ikonimi lefatshe ka bophara a tlhomamisa gore Aferika Borwa e nne le tšholofelo ya go bona kabo mo letsenong la dithoto tsa kwa ntle.

Kago ya meago e mentšhwa le go isiwa kwa godimo ga seemo sa meago e eleng teng- e akaretsa go okediwa ga go neelwa ga motlakase go baagi, le go beeletsa mo mafaratlhatlheng a dipalangwa tsa botlhe, le go tsosolosa ga metswedi e megolo e methano ya go tsamaisa metsi mo nageng - e mo botennyeng jwa maikaelelo a magolo a mmuso.

Aferika Borwa etla tsaya maatla gotswa mo kgolong ya potlako ya bogwebi le peeletso mo kontinenteng ya Aferika ka bophara. Kgolo e e maatla e solofetswe mo Aferika-ee-Borwa (Sub-Saharan Africa) e tla thusa ka go tokafatsa maemo a ikonimi ya Aferika Borwa mo mengwageng e meraro e tlang. Seo setla kgontsa mmuso go oketsa go inyalana le melao le metheo e e emang nokeng ikonimi ya naga eno le go ikopanya le ya kontinente ya aferika.

## SEO TEKANYETSOKABO E GO DIRELANG

**● TSHEGETSO YA INDASTERI**

Dibilione di le R10.3 di tšile go dirisiwa go rotloetsa tlhabololo ya letseno la karolo yago dira ka diatla; Dibilione di le R15.2 di tšile go tšhegetsa dikgwebo; go tla abelwa dibilione di le R3.6 mo tlhologong ya tiro mo mafelong a a kgethegileng a ikonimi.

**● TLHOLEGO YA DITIRO**

Mo dingwageng tse 5 tse di tlang mmuso o ikaeletse go tlhola ditiro di le dibilione di le 6 ka lenaneo la ditiro tsa mmuso, Expanded Public Works (EPW), gotloga go di le dibilione di le 4 mo dingwageng tse 5 tse di fitileng.

**● GO LWANTSHA BOSINYI**

Chief Procurement Officer o mo letsholong la go lwantsha bosinyi le go netefatsa gore madi a puso ga a dirisiwe botlhaswa. Maikaelomagolo e le go fokotsa bosinyi.

**● TSHEGETSO YA TEMOTHUO**

Lenaneo la temothuo la Agricultural Policy Action Plan le tla thusa go tšweletsa pele maikaelelo a NDP a go tlhola ditiro mo karolong ya temothuo. Mmuso o tšile go abela diporofinsi dibilione di feta R7 go tlamela balemi ba ba iphedisang ka go lema ba le 435 000 le balemi potlana ba le 54 500.

**● THUTO LE IKATISO**

Bontsi ba madi a tekanyetsokabo a abelwa lefapha la thuto. Mo dingwageng tse 3 tse di tlang dibilione di le R78 di tla abelwa go thusa ka dituelo tsa dithuto tsa yunibesithe, fa dibilione di le R34.3 di abetswe go aga dikolo.

**● MAFARATLHATLHA**

Ka ngwaga wa 2014 mmuso o tšile go neela mokgatlo wa bapalami-ba-ditimela wa Passenger Rail Agency dibilione di le R11 go reka dipalangwa tse dintšhwa, le go ntšhwafatsa mafaratlhatlha a disikinala.



1. Molaetsa wa Letona
2. Theko ya dithoto
3. Katlaatlelo-loago



1. Boitekanelo
2. Go tlhola ditiro
3. WMadi a tswa kae



1. Baduela lekgetho
2. Tsa dikgwebo-potlana
3. Saving plans tax breaks
4. Lekgetho la leokwane

**A O BONE LOKWALO THUTO LE LE LE BOTLHOKWA ?**  
Smsa Ee kgotsa Nya mo **44112**  
Sms e le nngwe ke 50c.



# GO TLHOLA DITIRO


PUSO E TSHEGETSA  
MANANEO A GO TLHOLA DITIRO

## EXPANDED PUBLIC WORKS PROGRAMME

Fa e sale ka ngwaga wa 2014 lenaneo la go tlhola ditiro tsa mmuso le tlhotse ditiro tse di fetang dimilione di le 5, bontsi ba tsone e le ditiro tsa nakwana. Mo setheng se se tlang puso e ikaeletse go tlhola ditiro di le dimilione tse 6.

## COMMUNITY WORK PROGRAMME

Lenaneo le le solofetsa batsaa-karolo sebaka sa go dira matsatsi a le 2 ka beke, kgotsa matsatsi a le 8 ka kgwedi; maikaelelo e le go godisa ikonomi ka go dira.



## EMPLOYMENT TAX INCENTIVE

Phokoletso ya lekgetho la dikgwebo e simolotse ka kgwedi ya Sedimonthole ka ngwaga wa 2013, maikaelelo e le go tlamela batšha ba dingwaga tse di 18 go fitlha ka 29 ba e leng gone ba simololang go dira.

## NATIONAL YOUTH SERVICE PROGRAMME

Lenaneo le le thusa gore batšha ba ikatisetse go dira ka diatla (artisans) mo tikologong ya go aga.

# KOO MADI A TSWANG TENG

TSA LEKGETHO	2013/14	%
Lekgetho la badiri	335,9 BN	33,8
Lekgetho la letseno la dikgwebo	198,9 BN	20,0
Lekgetho mo dithotong tse di tsenang mo nageng	267,2 BN	26,9
VAT	81,4 BN	8,2
Lekgetho mo mafureng	47,5 BN	4,8
Makgetho a mang	62,7 BN	6,3
<b>Gotlhetlhe</b>	<b>993,7 BN</b>	<b>100,0</b>

# RE ADIMA/DUELA BOKAE?

**A**ferika Borwa e bona madi ka go kgobokanya lekgetho. Fa madi a letlotlo a a kgobokantsweng a sa lekane go duelela ditirelo tsotlhe tsa mmuso, puso e adima madi go tswa ko dinageng tsa kwa ntle.

Ka 2014/15, puso e lebetse go kgobokanya madi a lekgetho a kana ka ditirilione di le R1.099, fa e lebetse gore madi a go duelela ditirelo tsa mmuso di tllile go lekana le ditirilione di le R1.25. Puso e tla tshwanela ke go adima boleng ba dibilione di le R153.1 go tswa kwa ba beeletsing, ba fa gae le ba dinaga tsa kwa ntle, ka go rekisa dibondo tsa mmuso. Ka ntlha ya maemo a kwa tlase a lekgetho,

sekoloto sa puso se oketsegile go tswa go dibilione di le R5.26 ka ngwaga wa 2008/09 go fitlha go ditirilione di le R1.6 ka ngwaga wa 2014/15.

Sekoloto sa puso se oketsegile go tswa go dibilione di le R54.4 ka 2008/09 go fitlha go dibilione di le R139.2 ka 2016/17. Morwalo o wa sekoloto se se kwa godimo se raya gore madi a mantisa dirisetswa go duelela sekoloto go na le go duelela ditirelo tse di jaaka meago, thuto, pholo le go tlhola ditiro.

Puso e ela tlhoko mathata a a tlišwang ke sekoloto se; ka gone e lopa mafapha a mmuso gore a dirise madi ka tsela e e tshwanetseng go fokotsa tshenygo ya madi.



# TLHABOLOLO YA MAEMO A DITIRELO TSA BOITEKANELO

**B**aagi ba ba tlhokang ba bona ditlhokego tsa pholo mahala go tswa kwa pusong, gape baagi ba letseno le le kwa tlase ba bona ditirelo tsa tlhwatlhwa e e kwa tlase. Mo dingwageng tse 3 tse di tlang puso e tllile go:

- 1 Dirisa di bilione di le R77 mo ditirisong tsa ditlhokego tsa pholo le dibilione di le R240 mo maokelong a mmuso.
- 2 Tlhome Office of Health Standards Compliance, karolo e e ikemetseng ya go tlhatlhoba ditirelo tsa pholo, ka ngwaga wa 2014/15.
- 3 Beela kwa thoko dimilione di le R600 go simolola lenaneo la melemo ya go thibelela Human Papilloma Virus (HPV), e e thibelelang kankere ya popelo.

4 Oketsa kabo ya madi a melemo ya go leka go alafa mogare wa HIV/AIDS ka dibilione di le R1 ka ngwaga wa 2016/17. Batho a ba le dimilione di le 2.5 ba bona melemo e.

5 Netefatsa gore tshiamiso ya mafaratlhatlha a ditirelo tsa inshoreense ya boitekanelo ya setšhaba (NHI) le dikontaraka tsa dingaka ditswelela pele ko mafelong a a tlhopilweng. Di bilione di le R3.1 di tllile go dirisetswa ntšhwafatso ya maokelo le ditlilini, fa dibilione di le R1.2 di tllile go dirisetswa dikontaraka tsa dingaka.



# A TLA DIRISIWA JANG?

